



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

VIII. Si quis timore mortis habitum religionis assumpserit, licite poterit ad saeculum redire.

urn:nbn:de:hbz:466:1-15588

ANNO
CHRISTI
1179.

arte aliqua suum valeant adimplere propositum. Quia igitur consulis, an dioecetano episcopo huiusmodi appellationi sit deferendum, presentibus tibi literis respondemus, quod cum in Lateranensi Concilio promissiones factae de ecclesiis non vacantibus sint cassatae, praetextu appellationis eorum, qui iam praedictis promissionibus innituntur, omitti non debet, quin ecclesiae, cum vacauerint, de personis idoneis ordinentur.

CAP. VIII.

*Idem abbati Remestrensi & archidiacono * Exoniensi.*

Veniens ad apostolicae sedis clementiam in multo discrimine sui corporis & laboris V. lator presentium, simplici nobis relatione proposuit, quod tempore hostilitatis & guerra, miles quidam R. nomine, fundum R. militis occupavit; quem diu illicite detinens, magistro & fratribus Hospitalis clericorum ecclesiam in eo sitam concessit. Magister vero & fratres Hospitalis praedicti, clericum quemdam nomine R. ibidem instituerunt, qui inde annis singulis soluebat pensionem. Longo vero tempore post praedictus R. fundum suum recuperans per iustitiam, omnia quae alienauerat possessor violentus ad ius pristinum reuocavit, & cum in ecclesia ibidem fundata sciret se ius tantum datoris habere, concessioni, quae memorato R. de praescripta ecclesia facta fuerat, consentire nullatenus voluit. Sed * V. venerabili fratri nostro Eboracensi archiepiscopo apostolicae sedis legato, in * e. ad ecclesiam * tandem presentavit, qui praesente magistro Hospitalis, cui prius fuerat concessa, & non reclamante, eundem V. suscepit, & in praelibata ecclesia ordinavit. Interim autem clericus R. qui eam alieno nomine possidebat, furto irretitus, & exinde, quia crimen eius notorium fuit, rebus furatis in arca sua repertis, grauius puniri metuens, eo quod ad aures regias scelus eius peruenerat, habitum religionis assumpsit: qui infra annum apostolicum adiit, & scriptum apostolici culminis, in quo continebatur, ut si monstrare posset, quod timore mortis claustrum intrasset, de religionis voto absolueretur; a nobis obtinuit, cognito quod timor ille ex prava conscientia perpetrati sceleris prou-

Concil. Tom. 27.

Vuuu ij

niebat. Alias autem literas & ad abbatem de Fontibus, & priorem de Gisseburne reportauit, in quibus continebatur, prædictum Vu. post appellationem ad nos factam intrasse, & ipsum prius fuisse violenter eiectum; illi, amoto alio, ecclesia redderetur. Cumque idem V. a iudicibus delegatis citatus, sibi dari canonicas inducias postulauerit, & ipsi dilationem ei dare penitus renuerint, existimantes quod literæ istæ per falsam suggestionem essent impetratæ, & quod nos de facto non fuisset plenius instructi, a falsa suggestionem ad nos appellauit, & a præsentia iudicum recessit. Iudices vero, quoniam in causa principali sublatum fuerat appellationis remedium, audito testimonio quorundam, qui eundem R. in possessione ecclesiæ illius esse viderunt, & interdum synodalia soluere, eidem possessionem eiusdem ecclesiæ adiudicauerunt, & ipsum per nuntios de eadem ecclesia inuestiri fecerunt. Verum quoniam dubium nobis & incertum existit, an prædictus R. ita nos falsis suggestionibus circumuenire præsumpsit, & nemini fraus propria vel dolus debet prodesse: discretionem vestram, &c. quatenus cum exinde fueritis requisiti, in vnum pariter conuenientes, vtramque partem ante præsentiam vestram conuocetis: & eorum inquisita veritate, quæ hincinde fuerint dicta, & plenius cognita, causam ipsam, appellatione remota, sine canonico terminetis: scilicet, vt si vobis constiterit, quod crimen illud notorium fuerit, quod timore illorum dictus R. religionis assumpserit habitum, & idem V. per archiepiscopum fuerit canonice institutus, ei ecclesiam ipsam, occasione & appellatione remota, restitui faciatis, & libere pacificeque ^{* cõmuni} dimitti, non obstantibus literis nostris, si taliter fuerint, vt diximus, impetratæ.

Nemini
suum do-
lum prodes-
se debere.

CAP. IX.

Idem Exoniensi & V Vigorniensis episcopis.*

Si vobis constiterit, clericum de dono militis ecclesiam vendicare, super ecclesia illi, nostra freti auctoritate, appellatione cessante, perpetuum silentium imponatis. Si vero ius patronatus ex dono eiusdem militis in ecclesia illa requiritur, vos causam audiat, & concordia vel iudicio terminetis.